



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

§. 1. In sortibus magna cautela opus.

urn:nbn:de:hbz:466:1-45653

tat, humiliat & sublenat. Quia ipse Dominus Deus noster: in uniuersitate 1. Paralip.
terra iudicia eius. 16. 14.

C A P V T X X X V I .

Quām peruersè Deum, in Sortibus, imitetur, Dei simius
Cacodæmon?

Nonstrata via, qua dirigenda est nauis, etiam digitus ad scopulos intendendus est, ne naufragium faciamus. Sunt enim infames hic scopuli, sunt Syrtes, sunt Charybdes, sunt Acroceraunia. Ad quæ declinanda rursum tradenda sunt documenta. Neq; enim semper, aut temerè, ad iudicium Sortis, licet recurrere; immo sa- pius non licet, diuinis humanisque legibus obnunciantibus.

I.

Primum documentum. Sortes etiam in scripturis narratæ, & à quibusdam Sanctis usurpatæ, non idcirco nunc etiam omnes licitæ sunt. De Sanctis constat, eos, ex peculiari Dei instinctu, quædam miranda magis, quām imitanda fecisse. Nimis diu alijs expectandum foret, si domum redire nollent, donec eis proiectas in mare claves piscis referret, ut S. Bennoni & S. Maurilio contigisse, supra meminimus. Neque vaccarum aut mularum aliquorumque animalium iudicio, aut indicio potius, permittendum est, quæ eundum sit: tametfi, in veteri Testamento, vaccis ita arca sit imposita; & camelis, sine duce, ituris ad S. Frontonium commissus commeatus, aut ab Ignatio mulæ permisum, utram ingredi viam vellet. Adde, & Sanctos non semper ab infantia fuisse sanctos; neque omnia, quæ vñquam fecerunt, sancta arbitranda, cum homines fuerint, & subinde, ut homines, errarent. Communis via tutissima; præsertim mortalibus, quibus est communis vita. Certè, ne quis seipsum decipiatur, si in SS. legit Sortes adhibitas, prudentissime, post S. Hieronymum & Bedam, monuit Gratianus, eiuscemodi Sortes ad nostra tempora non pertinere. Quia illa sortitio cærimonialis fuit. Itaque cum veteris legis cærimoniarum abrogatione, ista quoque sortitionis cærimonia sublata est. Qua ipsa de cauſa monet Beda, Apostolos, ante S. Spiritum acceptum, in electione Matthiae, adhuc legali cærimonia vñlos fuisse;

Supra
cap. XXVII.
§. XIII. & §.
XIV.
1. Reg. 6.7.
Supra, c. 9.
§. III.

Beda in c. 1.
Acto.

Yy 3

postquam